

光緒順天府志

人物志十

光緒順天府志一百

先賢十

黃岡洪良昆纂江陰廖奎孫履輯

國朝

譚之林

米壽都

子漢倬

李孔昭

崔周田劉繼甯

王鼎昌

子煥

金鎮

許世昌

杜懋哲

崔應鳳

紀元

米漢雲

楊正中

趙之符

兄之篆之符子璘

珣

方觀

楊之柄

查日乾

子爲仁爲禮

爲義禮子庸

井在

尹肅京

王綱肅

紀愈

子遵直孫晉

井睦

張烈

高裔

范瀛珮

王采

子枚士枚士枚士子詢

杜立本

紀 昺

郝士錞

楊 雍

李可翹

芮

濟猶子復傳

朱 綸

劉殿衡

李長白

韓 崑

程可式

國朝

譚之林文安人明天啟舉人性純孝六齡母周寢疾日夜涕泣繞卧榻不去稍長讀書夜分不輟母止之方就寢平居赴親友讌會遇蔬果時鮮母未食不敢嘗次日徧市以進雖遠必致也母好施予贍親族之林竭力奉之以適其意官無極縣學博冬月母病革思食蘋果遣人兼程至京購之北至母已卒遂終身不食蘋果母喪哀毀骨立廬墓側茹素寢苦朝夕號泣者三年服除補青縣學博陞襄垣令厯浦江俱有治聲年八十有八卒人咸稱爲譚孝子

云

文安
楊志

米壽都字吉士宛平人明貢生

續補詩傳十六

爲太僕仲詔先生子

紅豆
樹館

詩話

韶齡英穎傳其家學揮毫落紙所謂高山樛具蒼佩華纓有廊

廟之容焉

王崇簡吉士詩集序

與王宗伯崇簡崔文學子忠交好以詩文書

畫前往還

紅豆樹館詩話

官江蘇沭陽縣知縣有吉士詩集

續補詩傳

未幾卒子

漢倬

紅豆樹館詩話

漢倬字星岸諸生七試不售三應中書選有扼之者送岸然不復

應舉父壽都卧病漢倬號泣願天焚香借壽而父立愈人謂孝所

感也父母歿遊賓坻見有非其罪而枉枯者爲見主者釋之其人

攜少女來謝漢倬揮却之避風江口有舟覆而溺者三人漢倬急

出資呼人拯救三人乃得生移家交河已未秋交河饑人食草木

他徙甚多漢倬出粟濟之而不責償施藥設棺始終不倦雖值窘

乏弗易其志癸亥入都以疾卒所著有尙書輯要墨飲齋寄亭草

詩集藏於家

宛平王志

李孔昭字光四薊州人

畿輔詩傳九甯河關志作光泗

按

崇禎癸未進士見時事

日非不赴廷對以所給牌坊銀一百二十兩留助軍需

畿輔唐志八十二

遂去奉母隱於盤山躬自樵采形蹟數易人無識者甲申流賊陷

都城聞變將死之以老母在白衣冠哭田間者三載

甯河志

事母至

孝嘗刲股愈母疾妻王氏薊州城陷時殉節義不再娶

先正事略四十八

我

朝定鼎求遺賢撫按交章薦謝病不出一日當道遣吏持書幣往

遇負薪者呼問若識李進士耶負薪者張目曰問李進士奚若吏

具道意乃以手遙指負薪去吏至其室虛矣鄰叟曰若面失之向

所見負薪者是也後屢物色之卒不得見當道太息而已

寶坻鄉里洪志

感其義有某孝廉當上公車輒止不行曰吾出郭門一步何面見

李光四乎

梁清標李孔昭傳

平居教授生徒

唐志

倡明理學

蔣州志

多所成

就

蔣志

時黃冠時儒服衣著屢變人亦不知爲李進士也時邑中

方興役吏按戶派夫驅孔昭曰我力不任願出資以代吏持

去數日杜立德聞孔昭在邑急往候吏問趨謝罪孔昭曰此間豈

有李進士耶若勿誤由是踪跡愈不可必矣

甯河志

性孤峭

先正事略四十

入博洽羣籍能詩善書

蔣州志

愛陶詩晚自號潛翁跡其出處亦與

靖節同與杜立德幼時同學長同年寄以詩曰黃門青瑣君思我

流水高山我憶君時當徵辟立德方勸駕而處士招隱一時傳爲

佳話

紅豆樹館詩話

庚子正月孔昭爲弟子講盡心章畢曰此傳心法也

言訖而逝門人私謚曰安節先生

甯河志

康熙二十六年祀鄉賢祠

旌曰燕山處士

蔣州志

宋中丞華弔以詩云鹿裘邈何許猿鶴尙思

君其風可想

紅豆樹後其子稷能世其家學

館詩話

蘇州沈志

崔周田字錫齡

順治中充歲貢不復入場屋性嗜書嘗建一樓聚古本及金石刻
萬卷藏之終日吟嘯其中李孔昭隱於盤山物色者輒不遇周田
過之往往坐林石間相勞苦孔昭亦時下榻其家命諸子師焉并
迎孔昭母事之維謹以女妻其子此孔昭賦謝詩所以有高堂代
我供甘旨花院呼兒說史書句也孔昭歿周田漠然無所向久之
卒劉繼甯字兌菴少負意氣千金一諾有古俠士風當明季嘗捐
金贖難女二爲之擇配歲饑煮粥以賑全活甚衆與周田善有緩
急恆資之如已事周田亦弗謝也晚年爲子擇師乃裹糧遊盤山
踪跡李孔昭得之甚相樂也已而相泣宿經旬具道意曰吾家僻
處海濱兩岸蘆花倘不拂先生高隱趣乎孔昭許諾至令諸子受
業暇則招周田聚談終日視人世利達如浮雲然子三從雅從心

從正皆以文行顯從心作孔昭墓碑誌銘從正子浚字蘊哲最知名

衛河關志

王鼎呂字翼明寶坻人

寶坻洪志

父溥崇禎丙子城破殉難獨鼎與其

從姪烈跳身獨免歸則號哭營葬事及期功諸暴骸無不就斃者時齒尙十七也流寓京師數年或侵其租入殆盡悉隱忍置不問沈機內運生理亦集

姜宸英王君墓表

并爲烈完其家室撫從兄弟子女

逾於所生王氏復振鼎呂曰先祚不絕若髮危而復安天也旣屬有夭幸敢封殖以自私乎乃倡修邑城及河隄之傾塌者歲災出粟以賑

寶坻洪志

收恤其鬻棄子女及豐而還之不責其直見人有過規切之必盡已而待之如平常不留於心以是人人謂公愛我年

七十八卒哭之有如所親者

墓表

子煥燧

煥字南區號盤麓康熙間貢生

饒補詩傳二十六

喜博綜負意氣自如少

卽慨然有尙友千古之志不屑屑泊帖括曰尋行數墨中安有不
朽業哉乃大肆力於詩古文辭授光祿寺丞晉刑部郎每退食與
朱彝尊姜宸英趙執信諸人樽酒流連揚圻風雅一時有華省仙
郎之目及出守惠州政簡刑清攬風問俗又與其鄉名宿屈大均
梁佩蘭陳恭尹游詩境益進

寶坻志

有憶雪樓詩二卷

幾輔詩傳

授永甯

道以憂歸久之再補溫處副使乃析先世產讓諸昆弟飄然南行
既之任潔清自矢一如守惠時顧性耽風雅不欲久羈仕籍曰吾
將恣遠遊以自快乃渡澗灤泝沅湘尋禹穴僑居白下陽羨淮陰
間所至輒交其地之賢豪花晨月夕每載酒揚帆命歌兒拍雙鬢
捧觴唱所製新樂府望者疑爲神仙中人也晚年或勸歸曰吾家
故號南王可南亦可北也比還卒所著有田盤紀游蜀裝蘆中澗
上秋山慘澹游并鄉前後寫憂及還庚諸集惟憶雪樓集獨存

寶坻

洪志

金鎮字又鑣號長真宛平人

幾輔詩傳七

少有夙悟與兄武弟鉉有三

珠之目崇禎十五年舉京闈試解

毛奇齡按察使金君墓誌銘

順治元年授山

東兗州府曹縣知縣旋以艱歸補河南閩鄉縣知縣改鑾儀衛經

歷隨陞刑部河南司員外郎

幾輔詩傳十

康熙十三年進本部郎中會

上方慎獄復矜恤之典分部使循行郡縣以鎮使河南恤刑自本

年十月至十四年四月凡七閱月計所全活約一百一十人矜疑

半之援赦又半之次年轉河南汝甯府知府時淮蔡多盜兼無年

民田荆榛道饑千餘里前代真陽西平諸遺孽根株未清往來菑

荷間而新蔡李樊與泌陽郭三海據平頭寨相結以起民爭逃村

墟耶落皆虛

墓誌銘

一意撫字除苛細下墾土之令生聚教訓示民

以自新

幾輔詩傳

取爲政去太甚一語書之訟堂而親統銳丁剿李樊

除其根株一切勿引蔓會清理藩產躬驗丈尺而

墓誌銘

令民兵相安至於興

安插真光之間凡開屯升稅極意調劑
利除弊及一切津梁祠宇宜毀宜復者皆受整理治汝十六年改
補揚州知府值撤藩兵變長江上下風鶴相驚而維揚適當其衝
城中震恐一日三徙至有爭門而奔者鎮力爲慰諭且以威怵之
始安間招名士遊譙修復平山堂作文誦之乃事怡而民得不擾
陞江甯驛傳鹽法道副使兼署鹽運司事陞江南按察使大計入
覲

召對令敷陳時事時所對有二其一請定盜案嚴減之例謂江左
連年災盜賊多有三載之中題報八十餘而其中饑寒逼迫可減
者衆如一時窮困被誘竝不傷事主或得財未俵分或於事主家
雜取棍械護身原未嘗攜帶器械皆宜飭部分別量減永定爲例

至捕役營兵衆縱勒財以致先取贓物然後報官甚有指稱打點代行錢令行劫償還是盜有時盡而捕盜之盜反無窮也如此得實宜從窩盜律一體重擬則犯盜者少而民得安矣其一請定旂下買人及獲盜審訊之律謂江甯京口二旂買人多有無籍者自立買契旂主但送上元江甯丹徒三縣用印而並未行文原籍察其真僞多有展轉掠賣而不之知者嗣後請三縣用印官將所買之人申報巡撫巡撫按季報部隨卽行文原籍出示招驗其有疑者令旂主還契追償其用印官不報照新例治罪至於旂下逃人奉有承審官夾訊之例獨旂人爲盜被獲難以刑訊其狡賴展脫將何底極嗣後旂人爲盜倘夥證甚明賊據已確許承審官徑行刑訊則奸宄畏法而盜風息矣疏聞稱

旨時以足疾被議

畿輔詩傳

上不聽敕令回任

墓誌銘

又明年卒有清美堂詩集

幾輔詩傳

子敬敦北

城兵馬司指揮候補主事

墓誌銘

許世昌號中軒順天人

大興張志

生而有志寬厚端廉以古道自處

姻婭交游賴以舉火者數十家婚喪貧乏無不周濟鄉有盛德稱

宛平

王志

國朝定鼎初任兵部軍政因革資其謀畫出師征伐多所贊襄

大興

張志每當

上意

宛平王志

特簡巡按江西糾劾貪墨誅鋤強暴激濁揚清風紀振肅陞福建

巡撫閩地新定下車之日卽興利除害威惠兼施兵戢於伍民安

於野閩人至今猶謳思之著有西巡奏議數十卷

大興張志

杜懋哲寶坻人

幾輔唐志七十六

明貢生見天下大亂隱居不仕閩賊破

京師搢紳俱迎降懋哲曰此賊特爲真主驅除耳及

章皇帝定鼎乃曰天下自此一統矣以薦出知長治縣清勤盡職

實抵洪志除驛馬之弊民歌之曰漢有召父繼杜母我公之來邑安堵

遷知岷州值徇寇之變被執脅令降洪志懋哲瞋目罵曰狂賊無

多談吾讀聖賢書而臨難苟免乎洪志不屈而死事平贈按察司

副使

嚴輔
唐志

崔應鳳字鳴陽霸州人明天啟四年副榜潛心理學著述日富以
月川白沙諸大儒自勵至

國朝順治初以明經高第除鎮原令值土寇賀珍攻城應鳳誓衆
死守城賴以全遷西安府通判兼攝同州篆同有織造絲價及協
濟潼關郵傳額設無幾而每歲所費甚鉅且科賦有金銀銅三則
爲例不一故吏胥得上下其手應鳳一一釐正俾有定數著爲令

官民兩便焉

朱之弼崔公鳴陽墓誌銘

秩滿陞福甯州知州福甯當兵火後士

子硯田荒廢爲建書院課生徒人文蔚興其民至今尸祝之因事解任復補山西朔州知州以母年高遂解組歸應鳳孝友出於天性慷慨多智略與人交不設城府意念之誠可格鬼神諸生時以避兵與母相失夜行尋覓仰天哀號歎見所識宗姓者告以渡河奔詣果得母所在及詣宗謝宗乃茫然莫識所謂是亦奇矣子之瑛由翰林官至雲南布政使以

覃恩封應鳳如其官卒年八十有四康熙二十七年祀鄉賢

畿輔唐志

紀元字季愷號子湘文安人順治十二年進士

畿輔詩傳十三

初任杭州

推官丁未量移江南徐州河防同知辛亥陞湖廣漢陽府知府庚申再起爲陝西鞏昌府知府所任皆繁劇地而元處之裕如杭爲東南都會訟獄繁多元才長心敏一見了然多所平反向時罪無

大小輕重共繫一獄牢戶湫隘疫氣薰染多致斃命元惻然憫之於錢塘空地別建官倉數十楹以居輕犯全活不可勝數杭嚴道范印心爲御史汪之洙參糾落職逮問元知其冤力爲剖雪時汪適典試兩浙各憲重違其意復行駁審元俟棘闈事竣卽攜案卷詣汪汪蓄怒以待元笑曰此

朝廷三尺法豈容私意於其間耶手摘疑件逐條指示曰必如公意請公出一讞語職當平署之可乎汪愕然汗下遜謝曰不意風聞誤聽一至於此君執法不撓直包孝肅一流人也遂引入座上締交盡歡而范事得白是時浙中有通海逆書諸大獄元嚴禁波累民賴以安其防河淮徐也茶菴堤決城不浸者三版闔郡惶惶爭避水登雲龍山時值大風雨粉傳堤岸盡潰夫役迸散吏胥懼固請元元屹不爲動曰吾任河工避將焉往此身與堤當委命陽

侯耳馳騎河干從者僅三四人張蓋堤上人夫望見稍稍進遂辦
布袋數萬囊土以塞之堤完城無恙守漢陽時兼攝武昌府事武
昌駐防官兵數千因糧芻不給將圖不軌元聞之請於撫軍持三
月糧至營開諭之三軍戢然是時

王師數十萬下楚軍需絡繹元咄嗟立辦蒲圻縣紅石等團跳梁
負固大將軍欲遣官招撫皆畏難不敢行元曰叛在賊不在民

朝廷赤子豈敢久抗耶遂慨然銜命而往單騎入營開誠勸諭果

相率歸命

王士正紀
太守傳

官鞏昌時

畿輔
詩傳

鞏昌邊徼荒涼民無完堵元

招徠有法始漸次復業修整學宮講明祀典博求遺籍其士人彬
彬多文學之風焉元平生慷慨好施子遇事敢言無所迴互批詳
導欵動中機宜以故所至上臺加器重然亦以才爲人所忌又性
疏直不能閤媚趨時故屢而起起而復屢以卒有卧游山房稿

文安

楊志

米漢雯字紫來號秀巖宛平人

畿輔詩傳

明太僕少卿萬鍾孫

畿輔志七

順治十三年進士授江西贛州府推官改補建昌知縣丁憂起

復補長葛知縣行取考選主事

鶴徵錄二

康熙十八年召試博學鴻詞

畿輔詩傳

由大學士李蔚杜立德馮溥薦舉

鶴徵錄二

授翰林院編修

畿輔志

漢雯好學工詩有漫園詩集始存集

畿輔詩傳

善畫頗得家法常時呼

爲小米尤工金石篆刻

鶴徵錄二

書法學米南宮徑寸外者尤勁媚或

評之曰紫來天才造詣富在友石先生之上

說

性放不羈爲王崇

簡之壻

鶴徵錄二

典試雲南

先正事略三十九

故事試差復命不得過一年漢

雯六月朔赴雲南事竣浪跡江楚至十二月猶未還婦兄王熙遣

人敦迫乃就道及至都自言我爲相公押解來京衆咸笑之

鶴徵錄二

丁卯主試江南八月八日甫當唱名忽有飛蝗蔽天迴翔試院禾

苗無損人咸異之迨揭曉日金陵諸生見榜多執袴羣聚而譁幾成大獄好事者競作檄文改曲唱傳遠近事聞漢雯削籍識者謂塋能食米蓋所以儆之

柳南

久之

召入供奉

內廷遷侍講

賜宅西華門

香祖筆記三

家蓄古硯太僕物也嘗渡江沈於水遺沒人

求之弗得將解纜忽紅霞起水面光燭天舟人索之硯隨手出焉

先正

事略尋病卒漢雯少喜交游所交皆海內名士其詩惜爲書畫所掩亦散佚無傳矣

香祖筆記三

楊正中字爾茂通州人

畿輔唐志七十四

少有至性七歲喪父哀慟如成

人事母盡孝將娶母卒或勸從俗婚於未成服時正中悲號拒之砥節讀書順治十五年進士選庶吉士授編修累官禮部左侍郎

通州高志

時天下久安釐正百度正中考據精詳爲時所稱重

畿輔唐志居

家事從父母如父母撫從弟妹如同胞娶婦朱賢而早歿終身不再娶育甥女爲擇配贈族中貧乏者又嘗捐貲修學宮蓋所受祿

不置田產故貴顯猶儒素云雍正二年祀鄉賢

通州高志

趙之符字爾合武清人

一統志

父完璧幼篤學好修與兄連璧同敦

孝行由薦舉任山西榆次縣主簿巡方廉其材幹委以查核多所

釐剔旋攝縣篆清操更著吏民畏愛建祠勒石見榆次名宦

武清吳志

之符登順治十六年進士選庶吉士授戶科給事中掌吏科

畿輔唐志

四十

陞鴻臚寺卿擢都察院左僉都御史

王熙怡齋趙公墓誌銘

在諫垣十

有三載前後建白不下數萬言

畿輔唐志

以直聲著天下其言而允行

者謂江南藩司旣分駐宜以通賦分責左右司又謂緝旗人逃當

杜濫解之弊又謂練餉未輸者數無多當免又謂陝西山東旱蝗

請行賑窮之法緩徵國賦又謂明廢藩遺產不宜刻期變價又謂近畿小民多失業田土圈撥未已請還換給之地予民又謂桃源高郵寶應旣以被水蠲其漕米興化亦宜豁免又謂畿輔旱當命大臣清刑獄

天子悉從之其言而未得行者謂戶部綜理財賦判牘孔繁而八旗以田土相訐者衆請別設官審理又謂五歲一恤刑部差宜復又謂道臣整理郵傳不可懸關又謂漕運剝船六百艘每艘給地十頃照地僉船行之旣久積弊甚衆夫以六千頃地按額計之可徵一萬五千金莫若罷之徵其銀貯庫遇運河水淺則雇船應剝何必留此或用或不用之船以重累民爲又謂予奪大權出自

朝廷邇者督撫諸臣去官百姓詣闕保留以數人之奔懇豈遂可信換之政體失宜當禁止聞者皆服其敢言

怡齋趙公墓誌銘

康熙二十

五年卒年六十有二子璘琬琮璣幾補唐志

之篆字爾模立身制行以古人自期敦孝友重然諾周急扶危出

自天性有族叔趙某素不甚相能頗死察肝膽可託無如篆者遂

以幼孤相託篆卽脫夙怨撫養之且爲經其家事卒至成立鄉人

服其義舉武清吳志之篆無子釋亭趙君墓誌銘以弟之符子琬爲後杭世駿

事趙君墓誌銘以子琬貴贈奉政大夫河南提學道按察使司僉事武清吳志

璘字雯玉號冰崖至性純篤兄弟怡怡同爨四十年內外無間言

宗族里黨無貴賤少長悉接之以禮渾厚之德鄉俗化之康熙十

六年舉人銓授廣信府同知信爲江右山郡林菁多伏莽璘至示

威信懸賞格期年而竄梗除間攝屬邑事以循良稱治行爲一時

最八年陞惠州府知府潔已率屬嶢然不滓武清吳志諮訪民瘼寬厚

如官廣信時而精勤過之凡興學校禁刁訟立保甲課農桑諸大

政次第興釐以惠民瀕海時修津渡往來稱便又濬淤滯以資蓄
洩一時水利畢興郡人比之韓蘇二公焉辛卯奉盤查之命道路
奔走感患暑濕竟卒於道號送者數百人逾境乃絕年六十有四

劉謙水崖趙公墓誌銘

珣字仲琳號繹亭夙有至性十歲時遭本生母劉喪哀慕毀瘠執
禮如成人沈毅好學博覽羣書記誦輒不忘少時在京邸兄弟相
師友學業精醇康熙十四年舉人長洲韓莢華亭王鴻緒得卷歎
賞以爲有古作者風二十一年進士授中書科舍人遷吏部驗封
司主事陞稽勳司員外郎調文選復陞稽勳司郎中調考功
亭墓誌銘 徧歷四司鬱然負清望
徐本趙養公墓誌銘 康熙四十九年雲南上計
簿廣南知府盧詢列在卓異而格於成例珣倡言盧君天下賢吏
顧可以常法拘耶駁如法仍別敘其賢附議末

上亦素知盧破格用之於是直道之言喧傳班列珣前後在吏部久時冢宰熊賜履富甯安並雅相推重己丑會試充同考官會河南學使缺以名特薦奉

俞旨以往比至官

墓誌銘

整肅規條損絕苞苴振拔寒畯中州人從

教嚮風至今稱道之任滿北還過濬縣愛其風土因以僑寓康熙

五十四年卒年六十有二崇祀名宦鄉賢

武清吳志

子方觀方頤

墓誌銘

瓚字贊王澄溪其別號也康熙二十年舉人才名籍甚累上春官

不第甲申秋選河南西平西平當南北孔道土瘠而民貧瓚下車

訪求利弊爲次第修剔之一時耗派以清苞苴盡絕桑麻徧於野

絃誦騰於庠循卓之聲甲於中土居西平八年

明作梅澄溪趙公墓誌銘

以治

績行取乙丑之夏山水陡發鄰邑田禾盡淹親率邑農相視河流

要害預爲隄防邑賴無恙

武清吳志

庚寅春汝甯大飢米價騰貴百姓

冀發常平之粟諸邑率率以未奉上行爲辭瓚慨然曰小民嗷嗷待哺必申請後舉溝中瘠能久竣乎爲民父母畏得罪而坐視民死吾不忍爲也遂盡發倉穀萬二千石賑之及秋大熟民感君恩爭先樂輸不旬口而前數已足

墓誌銘

人比之汲黯召信臣云卒年

五十一崇祀鄉賢

武清吳志

子六人方震歲貢生方豐太學生爲琮後

方履增廣生方謙康熙四十七年舉人候補內閣中書舍人方需

歲貢生方巽附學生

墓誌銘

方觀字用賓康熙十一年舉人內行修謹譽著閭里以文章經濟

自負

徐本趙養公墓誌銘

歲甲辰大興黃叔琳以吏部左侍郎出撫兩浙廉

方觀賢薦於

朝

召見稱

旨立命以主事擢杭州北新關稅關務向領於撫臣檄一丞倅主

之官攝而權輕豪胥舞弊囊橐爲奸故商困而額屢缺方親下車

搜剔前弊杖其魁一切陋例悉報罷

杭世駿候補主事趙君墓誌銘

吏畏若神商

賈便之

武清吳志

不數月叔琳以蜚語罷後事者疑方觀有私祕相偵

察迹歸不復出卒年六十六方觀事繼母如母事兩叔母如繼母

一味之甘必獻而後嘗補衣縮食躬自節儉解推所及累什伯而

不惜也有六子皆有聞於時

墓誌銘

楊之柄字柏梁號九春良鄉人順治十六年舉人除稷山縣知縣

陞刑部主事簡甯波府知府爲人性直而通敏處事一以是非爲

斷不徇人毀譽曰行吾心所安而已爲文疏宕有奇氣山東有黃

家瑞者令良鄉奇其才厚遇之黃文力追兩漢少許可而獨心折

之柄自以爲不及後移宰他邑招入幕其讞獄之文必假手成之

嘗曰吾堂可無吏吾幕可無客其莅稷山也初下車聞前令賢慨然曰居官當如此矣稷經痕痍後之柄殫心撫字不遺餘力其大者請蠲荒地通糧三萬餘減舊額之半編邑戶三十六里爲二十四里均役輸差以故賦薄徭輕民至今賴之其官比部也佐以經典所全活居多曹郎例分覽案牘一字失簡則有堂責人多厭苦之之柄封繳獨先同官每私託代直之柄欣然應之爲元坐署中循閱無倦容曰吾卽以此練勤且諳習故事不猶愈乎故其守甯波也凡六年精密宏達處盤錯能迎刃解如除吏弊裁差擾折訟獄懲豪猾賑荒弭盜諸政罔不措理適如其尤難者舟山之役軍書旁午凡備糗儲爰造舟治甲百務畢萃於一身之柄目矚耳聽口答手揮環中四應不病民而事舉濟之柄初至郡時浙大吏欲廉某陰事之柄曰良令也保無他大吏又命監司示意必欲質其

言之柄又曰不可令竟賴以全其持正不阿如此未幾以疾卒卒
之日城門卒若聞有呵殿而出者或云見之柄從騎入廟故民爲
立祠至今尸祝之不忘焉事聞入祀名宦

楊公墓誌銘

查日乾字天行高祖秀自江西臨川遷宛平遂家焉日乾三歲而
孤母劉以育以教姊登山陰馬章玉知儀徵縣事迎之往除夕陳
諸羹服恣親串所欲取日乾年甫十二獨端坐不爲動旣長奉母
來天津時倉場總督洪尼喀順天府尹劉元慧皆其父舊交數請
相見久始報謁卒不一通竿牘有爲讎所誣陷京兆獄獄急閤室
聚泣不知所爲日乾聞之立白府尹直其事德日乾甚奉三千金
爲壽笑曰某故貧肯爲京兆繫獄哉卒郤之後用鹽筴家漸起長
蘆通賦累萬艱於稽核朝使來熟日乾名坐之堂上輒詢條目日
乾口陳手畫洞中窾會市月悉定又以商力彫勸陳請爲善後計

使者用其言上請利貽至今天津爲禹貢九河下游白衛二河水
遇淫雨輒建飯而下孤城懸水中廣野無廬井日乾倡首設賑屢
拯民於墊阨全活無算環城隄岸如渠黃口老君堂教場單街等
地衝決不時夙稱險要日乾親督舂鍤增高蘊厚卒用安堵長廬
奏銷屆時官商屢以稽緩呈吏議日乾措施有方藉以全者不形
德於唇吻城西旅舍數十區每歲遍除客之不能舉火者隱爲償
之歷久無怠色晚乃放意山水而卒年七十有五日乾長身鶴立
音旨洪朗料事若神應變不測攬環贈佩之好幾徧天下而生死
不相負山陰王揆長洲談汝龍會稽陶良玉先客死京師皆親視
含斂以輜車數千里歸其喪太原郭氏貲累鉅萬託孤日乾日乾
翼而長之弭其內難家賴以不毀母劉疾革時緣事繫都門不能
盡大事痛毀幾絕得歸營葬築室墓旁三年不忍去墓園所自號

也讀書不爲章句於史事尤精撰史牋若干卷嘗曰學不爲世用縱文彩彪炳猶瑤槧之不可以川玉弦之不可以矢也雍正九年子爲義

貽封承德郎江南淮南儀所監掣通判子爲仁爲義學禮

杭世駿查君墓誌

銘

爲仁字心穀年十九舉康熙辛卯鄉試第一主試事者武進趙申

喬也申喬故以革銅商事與執金吾陶和氣者相水火欲甘心焉

謂榜首固富人子且少年名不出里閭是奇貨可居遂鈎致以興

大獄旣鍛鍊成而爲仁當死罪長繫請室爲仁固才士旣顛蹶無

生理乃就白雲司葦板屋數間日讀書習靜其中高雲上人爲榜

曰花影庵

國朝詩人小傳三

數年而後得釋

蒲褐山房詩話

遂絕意華靡頰首書

窟

萬光泰序

七略四庫恣意佃漁

國朝詩人小傳

作爲詩歌以自娛

萬光

泰應堂
稿序

皆清新微婉耐人尋繹蓋爲仁嘗學詩於初白庵主又與

厲鶚杭世駿萬光泰汪沆諸人游故一洗粗獷浮廓之習歸諸雅

正紅豆樹

爲仁既出獄

國朝詩人小傳

築水西莊濱運河有南倚草堂

數帆臺攬翠軒枕谿廊水琴山畫堂諸勝

雨村詩話八

慕古人顧阿瑛

徐良夫之風蓄積書籍廣開壇坫名流宴詠殆無虛日許佩璫刺

史貽之曰庇人孫北海置驛鄭南陽其豪可想

隨園詩話三

於丙寅春

夢雙鳳飛集楊各銜金篆字一曰貞一曰福後納二小姬名適與

之同因作雙鳳圖鵲題句云蕙蘭原自含貞性風雅何妨號福人

蓋用元廉夫晚號江山風月福人事也

雨村詩話八

導師爲贈道號曰

蓮坡故又稱蓮坡居士云

國朝詩人小傳

有蔗堂未定稿六卷外集八

卷

龍輔詩傳二十九

子善和字用咸號東軒

龍輔詩傳四十三

學問博雅善自韜

晦好吟詠所著甚多

津門詩話小傳

有東軒詩草善長字樹初乾隆十九

年進士官刑科給事中寄籍天津善和子誠字衛中號海漚乾隆

四十二年舉人官郎中

畿輔詩傳
四十八

詩酒自娛有蓮坡遺風家起小

園疊石蒔花積書萬卷無不披覽

津門詩鈔

有天游閣詩集

畿輔詩傳

妾程

亦能詩

津門詩鈔

爲義字集堂

畿輔詩傳
三十一

少儻八歲卽能作大字長益博綜經史

期爲有用之學不屑屑以文藝求進取會

國家有事西陲爲義投筆轉餉塞上論功授安徽太平府通判通

判雖散官爲義獨留心民事利弊無不言同僚莫不嚴憚鄰郡偏

災飢民過境者爲義具粟分贈各以舟護出境所活無算而郡人

亦賴以無擾時兩淮鹽法敝制軍尹繼善欲更張整飭乃奏設鹽

掣擇廉能吏司其事遂合舉爲義擢淮南儀所通判在任八年覈

虛實絕苞苴介然不避利害積弊以清方以治行尤異薦而適以

父喪歸遂不再出

紀昀查公墓誌銘

爲義風期清遠學無不窺善蘭竹花

卉具簡淡蕭疏之趣

津門詩鈔

年六十三卒子三長溶次田次杰

紀昀查公

孫彬

字憩亭乾隆四十九年進士歷官河南信陽州知州

詩傳四十七

禮字恂叔號儉堂

幾輒詩傳四十七

能吟詠喜賓客襟抱與兄相似

蒲禔山房

運坡居士開水西莊館大江南北之彥時禮甫弱冠每有倡和

出語已驚一座

經豆樹館詩話

乾隆十三年授戶部陝西司主事

查高銅鼓書堂

後序

輩下名士咸與攬環結佩文酒之燕無日無之

紅豆樹館詩話

以同

知發雲南旋改廣東補慶遠府理苗同知擢守太平太平界安南

爲廣西邊境獠獠雜處禮無循教擾瘁鄉窮谷巡行殆徧以母王

年高陳請終養起補四川甯遠府知府明年授川北道調松茂道

三十六年有小金川之役隨營總理糧餉三十八年將軍溫福進

勦大金川駐軍木果木賊勢猖獗時駐美諾請兵往救兵遠不
驟至遂調糧臺兵二百餘人募丁壯百餘人偕遊擊穆克登阿往
援行至猛固橋聞喇嘛寺糧站已失士卒狼顧不敢進禮日我退
賊必躡我我軍亂賊必乘亂擊我勢難免矣整旅而進以待後軍
必無患會松茂總兵福昌亦自美諾至行次破礪遇伏擊之擒斬
寨首二人喇嘛一人餘賊驚遁聞賊攻八角礪甚急分兵救之而
已偕福昌馳回美諾禦賊多舉號火賊不敢下是時木果木已失
美諾勢不能保乃退守達圍三十九年將軍阿桂進軍谷噶山籌
改運道召禮問計請開楸坻之日爾拉山以通饋運山高五十里
無蹊徑積雪六七尺終歲不消禮縱火燒東鑿石爲磴匝月功成
四十七年大兵凱旋仍留綜理屯政而果羅克復有刼殺蒙古公
里塔爾之事奉

旨緝犯禮發成都而總督於前二日已撥兵出紅橋關禮曰果羅克生番獷悍土地遼廓無城郭室廬之聚我兵出關賊已遠遁何益之有乃檄官兵入關揚言塞外苦寒俟來春再舉而密調三雜谷土練四千會于松岡街枚疾進至境始宣諭奉

旨來緝賊餘人無罪酋長麻克蘇爾袞布進見禮問賊所在對言不知禮怒命檻車解送成都酋惶怖具言賊主名區處悉擒之由是西北諸夷皆震悚四十四年授四川按察使次年轉四川布政使四十七年升湖南巡撫入

覲留京卒年六十有八禮少好學問老而彌篤雖戎馬倥傯簿書填委未嘗一日廢書於軍國機宜民生利病講求最悉其溫柔敦厚慈祥愷惻之意往往見於歌詩

查酒銅鼓書堂遺稿後序

有銅鼓書堂遺稿

二十二卷

綴輔詩傳

清新婉約出入王孟韋柳間者出守粵西以前作

也登山臨水慷慨振刷駿駸乎闔杜陵之室滇蜀軍興馳驅戎馬
間作也清而能腴雄而不肆誠與蓮坡居士異曲同工而驅役卷
籍刻畫性靈之處殆欲突過伯氏嗜畫梅紅豆樹館詩話尤嗜古印章金
玉銅瓷自吾子行王厚之而下名人鐫刻者無所不備藏弄至有
千餘生平莅蜀最久而居西南松潘徼外者十嘗八九崎嶇險阻
爲羌人所服偶歸省重築楊文憲升庵蓺花竹招邀爲文酒之會
士大夫至今猶樂道之蒲山子淳房詩話

淳字厚之

國朝正雅集小傳

善篆刻故別字篆仙工詩爲沈德潛厲鶚萬

光泰諸人所器

後補詩傳五十三

著有梅舫集

正雅集小傳

任四川南江令邑

有大巴坪深林密菁人蹟罕通淳白大吏闢榛莽招土著懸攝通
江巴州南部事每日所謂知縣知州者於州縣民瘼無弗周知興
利除害乃爲稱職耳旋調宜賓時金川軍興奉檄總理軍需政務

填委綜理裕如欽使李湖將軍阿桂深倚重之升雲南趙州知州
後擢廣西平樂府知府有事安南

上曰查漕向在四川理軍需稱幹練其令速董厥成阮藩顛降以
卓異薦所屬全州饑饉民肆掠勢張甚漕密遣幹役偵獲首從分
別懲創之居民安堵簡江蘇常鎮道糧艘膠水次漕剋日濬治漕
船無滯補湖南糧儲道黃水泛溢轉運維艱漕擘畫有方履險如
夷晉江西按察使贛州民變或欲興大獄漕曰吾不忍以人命爲
菅蒯也置渠于法餘省釋入爲大理寺卿旋

賜六品銜致仕漕天性肫摯尤篤於任卹宗人二瞻居士

國初老宿流寓維揚沒無子漕爲表墓立嗣焉生平遠於學尤礪

心經史少隨父任粵西講求水利著靈渠紀略三卷

孔昭煜查子
君行狀

林字松生號花農官雲南州判

幾輔詩
傳六十

天資高邁所學甚深自少

卽問其祖若父之教

黎訥花農詩鈔序

足跡徧天下其詩不主一家沈鬱

頓挫間以流麗

史昂花農詩鈔序

於君家初白老人衣鉢獨得

黎訥花農詩鈔序

有花農詩鈔六卷

畿輔詩傳六十

井在字存士文安人順治十六年進士山西平陽府推官精敏獨任吏畏之莫敢仰視而決讞多所平反疑案不可究詰者務寬期以致正兇不急於煅鍊入人罪嘗曰事固有急之則兇奸之彌縫益密緩之則無意之洩漏可期誠聽斷者之明鑑也

畿輔詩傳十三

值裁

缺改補永安令縣隸惠州惠與潮犬牙相接而永安之南嶺大山四周交連四邑之界最稱險利撫目李唐宗者大猾也盤踞其中蓄髮陰謀不軌矢石械器俱備聚不逞之徒千餘人又使其子如冕等統礦徒四五百人於赤溪開採招集亡命橫於一方前令莫敢問在至則修浚隍陴團練鄉勇爲未事之防已而三藩煽亂潮

鎮劉進忠密投僞符陰納唐宗爲犄角在遣役林奇等以鐵匠入

山具得其狀密申撫鎮陳搏穴之策選勇之精壯者三百餘人爲

親丁結以恩信日椎牛饗士先是副賊李海政焚掠邨寨在設伏

擒之已而撫檄下鄧副將進兵協勦在部分鄉勇扼據要塞而自

以親軍會鄧抵山下賊兵在海上者不得合而逆鎮劉進忠亦以

先期未發救援路絕唐宗遂薙髮出山詐降冀以緩師而待援也

在決計勦蕩遂麾兵梯山抵其巢按得僞隆武印勅各一及與潮

鎮往來書遂斬唐宗於軍前而殲其黨與獲旗甲器械無算雪其

民之脅於賊者百餘家南嶺平撫軍劉秉權上其功格於部議未

敘績而計至黃叔琳請
吳先生傳北歸服闋再補興縣還里以詩酒自娛家

居九年而卒所著有天文纂要八卷鐵潭詩集六卷鐵潭文集二

卷合河署詩集一卷獻語錄八卷講約六諭解一卷麓蟬集四卷

文安
楊志

尹肅京通州人

幾輔唐志八十

康熙初以貢生授吳橋訓導官舍傾圯

通州

高賃居邑之劉氏宅見壁中藏白金四甕戒弗啟立召劉氏子還

之幾輔唐志

吳橋前令某罷官後旋卒以子女託肅京爲撫養婚配年

八十九卒祀鄉賢

通州高志

王綱肅字清寰宛平人性至孝由太學生選鴻臚寺序班父亡每退直述先訓必潛然泣下因號曰修嚴志不忘也有親故以貧依居越二十年賴其舉火偶買一婢詢係南昌士族遂訪其夫還之鄉里羣推爲長者陞福建鹽運同知釐剔積弊力請捐豁逋欠一萬七千有奇商民便之遷台州府太守時台駐兵馬數萬與軍府約兵不居民舍民不供軍食軍民以安有重辟獄十八人鞫其誣盡釋之台民咸曰昔之召杜今則王公未幾卒

宛平王志

紀愈字孟起文安人

幾輔詩傳十八

父克揚崇禎戊寅

大兵破文安克揚不屈死愈哀毀骨立奉母訓鍵戶讀書不涉外務壬午霸州道趙課闔屬士子以七藝糊名分投如棘闈例愈居第二人爭目色之一時雁行之盛大城則稱劉漢儒霸州則稱郝惟訥同里則有陳侍郎愈以文章聲氣頡頏其間名噪畿南乃每試輒躋益復拓落往往使酒投博習爲名俠能濟人之困遠近交稱之

張英紀都諫傳

國朝康熙六年進士授內閣中書遷兵部職方司主事擢戶部給事中掌科愈夙具偉畧迴翔禁密有年己酉土寇擾城愈倡先守禦邑賴以安康熙十二年隨大將軍勦江西逆賊恢復撫州

幾輔志

其時居民爲賊所迫脅者衆幾有火烈昆岡之懼愈以至誠感悟

將帥爲歎陳

朝廷好生之德

紀都
諫傳

且言若從重典必堅人從賊之心故皆得招

徠安集全活者甚夥或遺以所俘婦女貯之別室訪其夫還之

輔

唐志

其爲諫官卽首言逃人株連之害禁其妄指主家詐陷良善禁

網得寬愈之於事必舉其利澤久遠福及庶兆者言之其指瑕抵

隙撫拾瑣屑以塞言責者深恥不爲也典試中州號稱得人視榷

龍江能祛積弊至今綸扉諫垣之間稱爲老成持重可爲同官模

楷者則必推愈云歿之日早起日色向午呼取棋枰與韓子叔錦

對局子未數行而溘然逝其仲弟昉哭以詩有云手拈棋子端然

逝更得人天正路開蓋實錄也

紀都
諫傳

康熙三十二年入祀鄉賢

唐志

子遵宜字毅亨康熙三十三年進士仕蕭山令歷官吏科給事

中有式綸堂集

文安
楊志

遵宜子恆字任甫諸生有藤花書屋詩草

文安
楊志

詩傳三

咸字中涵雍正元年舉人官安徽旌德縣知縣孫晉

文安
楊志

晉字企瞻乾隆三年舉人

畿輔詩傳三十五

以明通榜授祁州學正俸滿

遷邑令得江南之當塗調桃源辦災賑請開倉不俟報牒全活無算既而堵禦六塘河水明年督捕蝗蝻與民夫兵弁雜作歲以無害調甘泉甘泉爲揚州附郭縣水陸之衝號爲難治晉下車而商民帖然過邵伯湖知二屆將壞急牒請當道爲先事防或阻之未果已而牘陷隄壞部議落職遂卒年五十有二

李中簡紀公墓志

有寶樹

軒詩二卷

畿輔詩傳

井睦字方思文安人康熙十七年進士內閣中書舍人出爲衢州同知衢當兵燹之後人物凋敝久制府移鎮於茲供應復繁睦至之日茹素布衣不受民一詞不擅差一役自以職司捕務清嚴保甲禁絕匪人而諭民以孝弟力田數年之間民安盜息又篤愛兄弟赴衢之日盡以田廬給諸兄子以爲寡嫂之奉而族子甥姪輩

之困乏者皆以自隨至署共食粗糲久而不厭睦樂於作人講學不少閒一時士風振厲才俊騰達其遠者聞風相慕以不獲出門下爲恨由是睦名震兩浙撫軍趙士麟尤愛重之故多所委任兩署金華嘉興篆及繪畫河山催運

皇木分校文武聞清丈西安田諸欽部大案咸以委睦睦匪躬竭節勤敏清純位不易府佐而勞苦過之金嘉之俗素健訟化之如化衛人而嚴飭屬員禁革火耗肅清漕白兩郡稱治去之日襍被蕭然身無長物惟送者哭聲數十里而已繪圖運木供給皆稱貸以行不動父老一塵所過不知有官民攜婦子夾路縱觀以爲歡笑撫軍入朝引見

上問循良吏以四人對而睦其首也詔以爲河南知府得命卽去署儼居杭州薪米之費朝不保暮時河南屬吏遣役投批遠迎所

齋長途公費約千金拒弗受併其批還之而自以典質度日是時也積勞病作藥餌無資遂卒年五十三衢人巷哭者相聞遂列其政蹟上之學使者請以名宦祀李與槻不能歸馬如龍知杭州府始援以北還

韓葵井太守傳

張烈字武承大興人

一統志金華府東陽縣人

按陸隴其三魚堂集云先世浙江

浙江遷居大興

生而英敏喜博聞強記

北學編二

讀書數行俱下長卽潛心性

學李集鶴

毅然以閑邪衛道爲己任

七十八歲輔唐志

所著書皆有闢人

心世道之言康熙九年進士授內閣中書

一統志四庫全書總目皆云授

中書惟尹會一北學編作除思平令互異

由禮部侍郎楊中正刑部侍郎任克溥薦舉

錢一鶴徵

召試鴻詞科授編修

先正事略三十

充纂修明史官每立一傳必博考詳

徵傳信傳疑勿得附會

北學編二

分撰朱之馮金鉉史可法張縉彥羅

俊金毓嗣等傳淋漓痛快極得史遷筆意

全祖望已未詞科錄二

著讀史質

疑云明道學傳可以不立初甚駭其論潛玩味之此言非孟浪

陸

其三魚室隨筆

遷贊善預纂修典訓館事盛暑嚴寒從不一假每朝會敝

車羸馬蹢躅風雪中弗少懈也

北學編一

性至孝事繼母委曲承順人

無間言

畿輔唐志

自爲諸生以至立朝始終以清白自勵不屑世俗榮

利純如也

三魚堂文集

然性好施與每有所入必留其半爲利濟之用

凡同年已故有親老子幼婚喪未終者竭力區畫如家事

北學編二年

六十四卒祀鄉賢

畿輔唐志七十八

高裔字素侯宛平人

畿輔唐志七十四

父以事成黑龍江父母命裔守市

肆裔且市且讀

方苞高素侯先生壽序

成康熙十五年進士

畿輔唐志

入翰林上

書求代成詣通政司都察院皆不達會贖罪例開乃涕泣告請於

師友卒贖父以歸

壽序

以孝聞天下

畿輔唐志

父少豪宕不可羈束而母

謹禮法不相中父自戍所歸裔以爲難後天屬復完

方苞高公墓志

又二

親篤老當更歡洽而居常漠然遇事仍嗃嗃裔用事雖富貴恆蹙

蹙如窮人無所歸終其身云及視學湖南

壽序

凡科歲試所拔弟子

置前列者後皆掇巍科或爲世名儒桐城方苞其尤著者也得人

之盛世比之敬輿永叔云

飛鴻延年室筆記

累官大理寺卿卒祀鄉賢

義輔

唐志

范瀛珮字蜚鳴寶坻人康熙戊午歲貢生少穎悟讀書一過目卽

通曉嘗苦家少藏書乃悉鬻所遺產購書數千卷風朝雨夕披吟

不輟貧至無以自給人或尤曰聚書能療飢耶瀛珮坦腹示之笑

曰此殊不朽其風致如此康熙甲寅奉

詔修志邑令牛一象選文望秉筆瀛珮居首無何大學士杜立德

家居遂主其事瀛珮曾偶脫一葉立德欲有所更動固執不可曰

易隻字卽難以傳信學士領之而已未竟志局竟謝去後任廣平

訓導所著有詩古文各二卷

寶坻洪志

王采初名案字同侯

寶坻洪志

順天寶坻人父乃餘順治甲午舉人

朱笥

北臺先生墓誌銘

生而敏雋出語驚長老康熙四十三年貢成均爲大司

成所器

寶坻洪志

分教習胄子采終日莊坐程課有法肅若朝典所教

多成材者

錢名世王君墓誌銘

期滿當銓次爲令采弗就也讀書善考訂發

四庫書紛紛薈萃靡不條貫爲文日渾博無涯涘會子枚士由鉅

鹿教諭選常州同知采年已六十餘矣猶應試再不售乃曰自今

當撥棄舉子業一以詩古自娛耳枚士迎至江陰署訪邑中名宿

朱近庵蔡嶽樵孔秋岩輩登君山望長江飲酒賦詩淋漓盡致逾

年歸枚士亦旋以養親還也每扶杖攜壺眺遺臺尋古碣徘徊空

山老樹間興之所至短歌長吟卽蘸筆書之書法通古人以擬唐

詩晉筆

實坻洪志

子枚士

錢名世王君墓誌銘

枚士字北臺早入縣學爲諸生有名遇試於鄉輒報罷久之聞考官某執其卷固爭欲置上第不得枚士曰命也請於父循例就選得鉅鹿訓導三年所指授皆有程式晉常州同知常故劇郡而同知有清軍海防之任枚士一治以嚴明明斥堠所在猾胥奸民踴躍跽不敢縱趾居數月常人頌之曰風何清清公門無塵生時巡撫張伯行察枚士能令視青浦縣事縣有疑獄數十年莫能斷決吏奉牘送案上牘積等人立了不可竟首尾枚士到纔逾月盡發其情吏驚以爲神枚士乃徐徐問弊政配刺一切去之名大起而一時嘉定有河患鎮江運道歲淤久當濬及蘇郡督視漕糧若煩劇紛錯之會必以屬枚士往嘉定時中流舟覆從者倉皇出之日勞苦吾分死生吾命何憚乎其治常也郡俗好譌鬼於城隍祠

則爲土偶役夫立於旁民病輒曰土役爲厲禳之愈其間南蘇北
鎮雜遝羣來走盜賊得因緣爲奸利心固恨之會攝府事卽大書
署之通衙曰城隍有神豈令役夫厲吾民也耶取土役笞碎之民
俗以革盜賊稍解去其勇直守正有如此自枚士之任率迎父母
官所父不欲以家口累其清節自載耕入所餘而南出以佐之枚
士益用自刻厲每出反則必以所設施旦晚陳之堂上爲笑樂枚
士強敏才氣百倍遇事以爲無不可刻舉者同官咸服其能亦坐
是爲有力者所忌已當內遷爲郎竟嫉之罷去時枚士父母已先
歸枚士到家父母迎謂曰汝不阿上官得爲清白吏歸來豈不善
哉自是終父母之身不出乾隆四年卒年六十子詢讀湖北荊州
府清軍水利同知譙候補州同知

朱筠北臺先
生墓誌銘

詢字舜夫縣學生入貲爲七品京官其冬選授奉天府經歷數啟

事於府尹輒言其大者一言復州當改爲州治曰復州所在廣袤數百里一切田畝錢糧盜賊人相殺與州縣等今止設通判一員駐劄旁無所屬官吏一人不得兼顧請汰省通判改設知州一員吏目一員並請立學設官令復州士子故隸蓋平者咸歸新學良便一言古義州當仍爲州曰今廣甯有古義州遺址按其地在漢當遼西郡之柰縣唐置巫閭守捉城遼爲宜州領宏政開義二縣金置義州崇義軍統三縣元義州屬大甯路明屬廣甯衛後廢州改衛我

朝定鼎初義州間錯入蒙古地界康熙四年始隸版圖十六年設巡檢於此雍正初元分錦州府通判駐義州五年又移通判於復州而義州仍設巡檢隸廣甯縣按義州當廣甯迤西九十里中間以巫閭山山西一帶半隸錦州旗界錯綜人易滋事加以毗連蒙

古部落五方商賈雜選涉訟徵糧越嶺阻險延稽時日官民掣肘
受事累月以來備稔其艱請改設義州州治以復古名州東則當
以牽馬嶺嶺脊爲界其三面並據現在義州城守尉所隸界無論
錦興廣甯所在地丁當界以內者悉歸隸新州州設知州一員吏
目一員且請廣建學宮定諸生額如廣甯數增設訓導一員訓迪
士子而界內一切知州吏目治之有餘裕矣時府尹武陵楊超曾
俞其言曰吾行奏請之既而雍正十二年竟陞隸蓋平之復州所
在爲復州隸奉天府又陞轄以廣甯巡檢司之義州爲眞州隸錦
州府於今兩州人士冠蓋相望甲關以東矣其議並自詢實發之
又以

世廟有宣諭直省先事備火多貯水桶水銃鉤鑷麻搭之旨請令
奉天民家置水缸及桶一於門貯水恆滿官出入爲躬驗並移奉

天將軍令各旗處處行之以備不虞又言奉天錦州所屬諸倉廩積糧多至十餘萬石年深糧腐所司代去數以償逋爲病今請大縣存糧以十萬石爲率中縣六七萬石小縣三四萬石計歲數足以備民食餘悉糶賣輸直於盛京戶部充餉庶以歸實濟而釋官負又言北鎮廟在廣甯縣西自虞舜封醫巫閭山以鎮幽州歷代並加封祀著爲令式比者益崇修葺每遇大典遣官祭告而守土有司未獲以春秋致祭近比混同江例殊異詢愚以爲當移文盛京禮部以時具備祭物檄廣甯知縣行禮宜凡所言先後悉采用詢在官輒據所是爲上官言侃侃不少推隱幾忘其官之爲七品也上官異其才欲試以事一檄攝廣甯縣再攝府通判一攝治中皆舉其職八年癸丑聖事降調歸年三十有五家居閒而業豐則好行其德乾隆乙丑會歛洪肇林來知縣事重葺明袁先生黃所

建城東文昌閣濬閣前池如泮池狀中植菡萏環以隄柳詢喜爲
力肩其事輒出粟金營社學於閣下延師以教鄉之秀者凡數年
人人成學以去平生慕重荀州李先生孔昭之高行爲刻其遺集
秋壑吟一卷凡遇前賢遺墨自晉唐宋明以來或家所藏及假諸
他氏者召工摹勒上石銜諸櫺園之壁園中築青箱樓高出一城
中中貯書萬卷登樓讀書暇則周眺環縣諸山以娛老焉卒年七
十有九子三長振聲兵部司務次振翹貢生次振翹

朱筠王舜夫
先生墓誌銘

杜立本字華生文端公立德弟年十七補諸生旋丁贈公憂時染
疾卧牀匝月矣間變披跣哀號伏苦次勺水粒米杖而後起立德

回翔臺閣受

兩朝聖主之知由大冢宰游登政府時立本往來京邑於京則任
贊佐於家則任督理訓誡宗人無有招搖炫惑竿牘於縣吏者約

東僮僕無有鮮衣怒馬呼飲於酒家者至今稱家法之善推杜氏焉遇

覃恩立德篤念同氣惟立本在遂以名上授刑部陝西司員外郎奏獻無所阿徇一歸於正辛酉恭送

仁孝皇后梓宮事畢

賜宴及幣四月轉戶部山西司郎中奉職益謹癸亥以積次出爲江南廬州府知府時立德方致政里居母劉亦春秋高立本懋懋不欲行曰吾不欲叱馭易南陔擁麾違雁序也母責以大義始勉就道廬州雖江南大郡然瀕江帶山地瘠民悍徵求科派率官一而吏十故刁民藉爲口實訟訐無虛日立本下車卽革牙帖之陋規凡千餘金詳慎刑獄無枉濫者推求民隱無陳滯者興學校嚴僚屬絕苞苴尤急於荒政遇歲歉煮賑請蠲緩征寬役以一古循

吏之道治之惻惻無華不爲矯異廬之人勒碑頌之後以微累罷
人咸欲立本往白當事可寬其咎立本日吾不奉菽水十一年矣
鬱鬱居此望雲興歎縱官三公曷若歸侍高堂之爲樂耶圖書數
卷蕭然抵家課田園督種植杖藜布褐往來田坂間遇之者不知
爲太守也性好施與歸家後益甚邑常遭水歉立本捐家粟數百
石以賙親友鄰里之貧乏者或曰是宜留爲來歲備立本日邑之
人非吾族黨卽姻婭人飢吾能獨飽乎一無所惜

王之樞杜公墓誌銘

迄今

里間間猶嘖嘖稱道不衰云康熙五十三年從祀鄉賢

甯河關志

紀昃字朏菴號仲霽文安人諸生

後輔詩傳二十二

九赴棘闈坎坷失職

輪囷鬱塞之氣一發於詩故其詩益進

陳儀紀微君傳

康熙十八年薦舉

博學鴻詞

叢輔詩傳

以天性疏放恐妨游覽稱疾不與試

鶴微錄

車轍馬

跡幾徧天下所至皆有題詠故所傳爲最富

王企靖七家詩選序

有桂山堂

集八卷

歲輔
詩傳

尤工於賦

紀時紀遺
儉重唐詩序

戊子三月卒

紀微
君傳

郝士錞字子希霸州人康熙十八年進士授直隸順德府教授卽以振興文教爲己任數年卓異薦陞山西孟縣革陋規清耗羨緩催科興教化他人行之以名者士錞獨以實心出之行取兵部督捕主事缺裁改戶部陝西司主事遷山西司員外郎晉禮部儀制司郎中歷三部四任聲望蔚然歲乙酉陞湖廣漢陽府知府漢陽所轄祇兩邑然漢口一鎮當數省之衝舟車往來百貨輻輳官斯土者向納商稅之贏以自潤士錞至盡請裁革大吏笑謂曰曷留少許以養使君之廉乎士錞正色對曰釐弊務盡甯敢自爲計而留遷就之私卒勒石永禁商民德之總督密疏上

閏值甲午秋

上預簡學臣在廷又交薦遂陞按察使司副使提督雲南學政試

雲武兩府拔孤寒杜請託以校閱積勞疾作請告將去滇紳士作
爲詩文以志去思撫軍人告疏曰學優守潔考試公明惜其不能
終事蓋公論也北上抵漢陽舊屬父老競治酒漿具雞黍送之舟
次請暫留士尊重違羣情遂緩解維遂卒於漢陽年六十有五子
三長需最貢生次震最貢生次海監生雲南學政拔察使郝
子希先生墓誌銘
楊雍字西涇幾輔詩
傳二十先世居沙漠以軍功世襲指揮千戶因戍寶
坻遂家焉曾祖來復祖朝父孝純皆諸生趙執信楊
君行狀雍康熙十一
年舉鄉試第一幾輔唐志
七十九京兆人文之盛莫如是年而雍爲解頭
楊君
行狀學術深醇文體一準先正幾輔
唐志由是名大噪從崑山顧亭林
先生游受左氏春秋遂於經術十八年成進士授庶吉士習
國書雍資既絕倫誦讀晝夜不輟凡所繙譯雖先輩精於是者無
不稱歎焉辛酉秋

御試優等授檢討

寶坻洪志

甲子夏

朝廷以會典未成開館纂修雍分纂工部案積如山窮力爲之疑
寒盛暑披閱不倦以勞瘁卒

楊君行狀

生平以清白自矢蕭然自樂卒

之日幾不能殮造其室荻簾土鍍布被不覆身人尤重其情操康

熙五十年祀鄉賢

畿輔唐志

李可翹保定民也己丑土寇陷城縣役馮某與可翹父有隙以乘
機竊取官物陷之適總兵剿賊至縣索之甚急可翹謂父曰事急
矣無可救免兒請代死語未竟兵役畢至可翹挺身認之遂被殺

保定

成志

芮濟字允康寶坻人幼有至性年十六怙恃兼失搶地呼號

寶坻洪志

毀幾滅性含殮之日直願身殉舉宗環號守之得不死三年中濟

濟漆漆未嘗一破涕撫兩幼妹一穉弟

李堂芮君墓誌銘

左提右挈日久

不離常含糗糲口哺之保護惟謹其弟淮也稍長出入必偕偶不見卽急覓負以歸時家計不支濟僇力爲治生計然未嘗廢學既有室乃以家事委之獨與弟攻舉業兩榻風窗篝燈不輟遂得先後游庠顧中年久困場屋恆鬱鬱不自得及壬午乙酉間兩姪連舉於鄉己丑復傳成進士濟且喜且悲曰祖宗緒始不墜矣天性儉食不兼肉年過七十爲具甘旨費輒卻之曰我茹淡久不慣他味也然睦親族厚交游遇緩急又往往傾囊爲之扶助復傳並仕錢塘令濟悉哀其歲入爲宦資令弟寄語云此去當不名一錢乃不負都憲家聲也厥後復傳歷任越中寶坻洪志廉隅不移苦節清操冠於兩浙李堂芮君墓誌銘濟實有以玉成之寶坻洪志雍正九年卒年八十

九李堂芮君墓誌銘

復傳字宗一號衣亭康熙四十八年進士

畿輔唐志二十九

掣籤得錢塘

縣時例繕履歷三百字於

暢春園

聖祖命

南書房記復傳名行之官召縣吏悉除諸無名錢曰官足給饗飧
辦已更竊笑之縣有金三者故交通上官署爲姦利暴省中縣故
莫能制復傳立逮之至曰某有罪無案公柰我何復傳曰若罪信
也若不克自贖吾爲若贖之杖且械斃焉一府大快縣民有僕婦
無故雉經於門尸家居以爲奇貨復傳立至門驗無他令曰尸家
速收婦尸士民戴激會庚子秋浙江省試檄分校朱筠萬君所得
皆知名士嚴海珊遂成其一也紅豆樹館詩話己丑杭旱復傳屢畝勸實
上其狀上官以錢塘首縣躊躇欲寢不報復傳固爭曰律有捏災
匿災並當劾某今日請受捏災劾矣時同城仁和災報先寢民干

人跳走園署呼曰錢塘父母我仁和獨不父母我耶須臾自縣呼達院上官感動是年杭竟以災聞開永濟倉行賑復力請於縣之上四鄉下八鄉設粥廠二十有七水陸轉米屬之廠令曰食米者應轉米役則更擇其鄉之端謹有行者廠坐四人董賑事復傳間微行覘曰善則勞勉之而捷其胥役之行擾者上官聞之喜曰帑不費而賑溥其令他縣以爲法省有駐防營卒往往出城馳躡民田復傳申文上總督署願以便宜治營卒縛躡者來立鞭之民相語曰卒不踏吾田畏公黑頭鞭復傳聽訟旣無留獄他縣訟者咸願上官甘就復傳鞠有疑獄上官亦輒以委之居五年民謠之曰芮青天邊清廉時總兵官邊某鎮杭與復傳名相媿也雍正初以卓異薦未上

世宗特詔來京諭曰錢塘地大若在官有聲其命爾知温州府往

益勵初節也復傳頓首謝溫故例民應輸織造府柑貢歲期至則檄封園樹禁民毋走其納也擇色擇枚中斤中兩累民百端復傳飭所在相取足貢數織造不得言其他民勒石府門以頌之境商辦官鹽不行而私鹽積復傳爲設三團集竈戶定直竈直益足則私鹽息官賣直益廉則鹽不督自行人以是服其平也天台山東南有山曰玉環廣袤八百里隔海洋數百里而遠明方國珍所保也或曰山中有田可墾十萬畝時李敏達衛總督浙江聞之以入告卽檄復傳往勘復傳乘舟抵山從鳥道登峰頂還言玉環山雖四面中可墾者無多况海盜所出沒良民孰肯往墾以糧齎盜脫肯往者亦盜醜也卽墾不過數萬畝計費無底傷財增盜無益不若罷之使李公怒更檄他屬往授意指必墾之大索山中田僅二萬畝不足則取山麓潮退之地充之又取近天台縣田丈量畝有

所餘並以屬之又不足更取樂清縣民田歲輸糧者距城四十里外盡隸玉環玉環經費不敷輒支帑金則令捐浙江省官俸半及關津一切雜稅增稅其半用給經費時又檄弛退之禁山令漁者往來並稅之曰塗稅既而民之漁者不走山中度關納稅如故吏乃重征漁者塗稅漁者來控復傳具文上辯曰入山漁者有塗稅出山漁者有漁稅今關稅漁又稅塗是重稅也凡七上上官怒以爲阻撓玉環墾田有蜚語頗聞時諸城劉文正統勦奉使視海塘過溫謂之曰聞君與李宮保兩雄不相下不移不屈君之謂乎戊申擢分巡溫處道用儉訓俗民益翕然安之會商人辦銅積弊露復傳爲定期給直持以法商人窘時方劾揭溫州府知府尹士份不職狀士份反誣以阻商誤銅上官固疾復傳因劾之有

旨解任赴江南總督趙宏恩質問於是兩府士民聞將去則書旂

於山上揭之曰昔唐太學生魯郊季儉二百餘人能詣闕留陽司
業我輩今日不能止芎公之行何面目立於清世且夕集旛下者
益衆則擁之館中積石塞其門夜則爇火以守途復傳諭之僉曰
吾儕安敢違公欲籲上官於

朝留公治我耳復傳召父老曲諭若不得爾則巷哭失音聲爇香
奉酒走送自府沿江干數十里晞舟之行人人伏地不能起久之
竟坐以失察關吏舞弊革職

高宗御極免勿治仍留浙江辦銅事竣例當請復官聞父及母卒
奔喪服除遂不出家居三十餘年尤篤於兄弟之愛呼諸子及孫
前曰汝曹視我輩式相好矣世世勿忘也乾隆二十一年卒年九
十四

朱筠芮君墓碣銘

復傳天才雋助學有本原畫仿南宋骨格蒼秀

紅豆

樹館詩話

有衣亭詩草一卷

歲輔詩傳二十九

朱綸通州人父歿家貧事母至孝

義輔唐志八十

尤尙氣節有海甯范姓

者寓通與綸僅一識面疾亟以子女託綸檢其槩得三十金爲經營數年婚嫁得所仍以原貲歸其子北關邨楊節婦年十四夫出不歸繼母逼改嫁不從守三十年綸高其節爲捐貲置地贍之且旌以傳後其夫歸完聚如故山左歲祲流民踵至綸倡立善社施濟全活無算康熙四十七年以五經舉京兆試第一四十八年進士改庶吉士平居好學博覽羣籍兼通岐黃術乙未冬

聖祖召對乾清官命校玉樞等書雍正二年祀鄉賢子元仲官山

西甯縣知縣

通州高志

劉殿衡字伯玉寶坻人父兆麟兵部尙書本生父兆麟順治辛丑

進士

張大受劉公墓誌銘

祖世界代仁厚嘗夢雙石麟入其室故二子皆以

命名

寶坻志

殿衡自少喜讀書負經濟才名以蔭就銓爲兵部武選

司員外郎陞刑部江南司郎中

劉公墓誌銘

大小咸辦分巡井徑道遷

保定守道未幾又調西甯巡道西甯邊塞咽喉蕃回人雜處每春豫徵糧粒草束給戍軍民力甚罷殿衡請期至秋收後並乞河西五衛一例緩徵其蕃長車馬供應先期符驗郵傳肅清有治大魁者賈抵洪志掌回教素樹氣節或密告其通外蕃爲亂已就逮矣回人數千環殿衡車前鳴其冤殿衡請於總督佛倫佛密疏剖

上矜而赦之

賜以世職

劉公墓誌銘

諸回皆歡忭羅拜以是聲震湟中擢江南布政

使清隱冒除版荒經水利贍飢民舉節孝政暇循行田野翫游山水間集名流觴咏如布衣交再遇

聖祖南巡嘉勞之親饗

宸翰以賜遂擢湖北巡撫武昌故兆麒駐節處也殿衡周知其利

弊而次第興革之與湖南巡撫趙申喬會勘土司區處允協荆巫
諸土司皆佩威德無敢梗者以憂歸服閔仍撫其地實堪拱志不易條
約而人情帖然惟荆楚澤國宜籌百世之利江陵監利諸縣水溢
堤壞部議失防官俱褫職殿衡以江堤民自修築非比河工費帑
金請獨當不職之罪而免其餘

上一切宥之荆門沙陽堤勢險工鉅倡捐金采石調淮陽埽夫築
堤建鋪以時開閉蜀江出峽下夷陵直公安危礮硝石出沒奔流
行舸一觸輒碎殿衡乘水涸募工剗截牙角連築月堤以護泊步
沿江多設救生船

劉公墓誌銘

時大學士高安朱公軾方爲潛江令以

折獄平忤上官意將置下考殿衡與制府力爭卒舉卓異朱公嘗
語人曰吾自爲縣令時守直道而不變者由劉都憲之知我也在
任數年勞悴備至卒於官仲兄殿邦字安侯累官至蘇松糧道署

布政使

聖祖書一州之表四字賜之人以爲一門盛事云

寶坻洪志

李長白字素心大興人早歲開敏讀書通大義性磊落遇人不爲
諭諭熱直行其意通曉世務人以疑難告一言而決父澍之官山
西留侍其祖能色養以國子監生考職以州同注籍鄉黨稱之曰
李君質重而神遠千里才也未幾父以強項不善事上官尤爲巡
撫噶禮所嫉嘗發常平倉出陳易新民便之澍娶於袁而它袁有
官御史者與噶禮有隙遂疑御史私人也悲甚欲置之死掎摭無
所得則以擅發常平爲罪當是時祖父卒於家而父之獄尤急長
白乃遣執友馮某馳之山西省視且出奇計以釋疑於行臺事得
少緩然原疏稱盜用官錢甚夥澍不置辨獄成吏責償官逋乃盡
斥其生產不足又奔走求救於所知者或慰之曰孺子豈長貧賤

哉事解行致通顯矣長白流涕曰我知救父而已敢望榮名哉聞者感動得貨三千金寄太原知府趙鳳詔代輸於官書甫達而鳳詔亦被劾籍沒長白恐其敗乃事而不能脫父於縲紲也夢寐中忽躍起數尺母拊慰之乃已會鳳詔具以事白乃得以寄金償官如約久之卒得奉父歸里家雖貧暇輒治具召賓客宴樂以娛老時人爲之語曰廉吏可爲而不可爲不見李太守之瀕於死也廉吏不可爲而可爲不見李太守之有良子也長白少有經世才驟遭困頓而卒能匍匐勞瘁以免親於難以終其天年其性有過人者要其才足以濟之自往來燕晉吏胥乘間以恫疑恐喝風波之震誠無日無之然當事多感其誠賊獲於相依不忍去異時山西急遞至都率繫鈴於驛頭以相警及事平長白聞道上鈴聲卽色變曰我聞郎當輒心膽墮地蓋一生精力盡此矣長白頽而豐面

顏美髭鬚衣冠莊飭議論多慷慨見者皆以遠大相期而不知其終身於憂患也父卒後數年山西屬有以侵兵餉被劾者有司稽故贖令舊時統轄上官分償之移檄大興治親屬長白償二百金未幾復有屬吏被劾者如前制當分償六百餘金長白計無所出約居待罪旋奉母喪葬畢而疾大作沈縣遂不起彌留猶以未完父事爲憾嗚呼可哀也已子兆嘉監生兆瑞雲南平彝典史邵晉涵李

呂家

韓畱字經正號石耕大興人

歲補詩傳十五

善鼓琴

池北偶談

所操北音恥作

娓娓兒女之語終身不娶游覽江湖以終今之牧犢子也

明詩綜小傳

尤工五言詩五律清穩頗足名家亂後游江南徧歷台宕諸勝客死平湖有句云春愁當二月酒渴起三

池北偶談

著有天樵子集

咸豐

程可式字松村香河人康熙五十年舉人時年甫冠也上春官屢
不第與纂古今圖書集成權內閣中書舍人奉使西蜀事竣授河
南縣令所泄有聲未幾歸田乃增嵩雲涉江東野三集其志趣所
尚情隨境遷性與理洽靡所不宜有來山堂詩鈔八卷

錢輔詩傳二十九

華陽吳祖椿校